

Uunga: Departementet for Fiskeri og Fangst

Tiguisususaq: Lasse Nyholm Jessen

Tusarniaanermut akissut – Avataani aalisagaqatigiit ilai pillugit 2025-mi pisarineqarsinnaasut tamarmiusut

2025-mi avataani aalisagaqatigiit ilai pillugit pisarineqarsinnaasutut siunnersuutit nassiunneqartut Sustainable Fisheries Greenlandimit misissorneqarsimapput. SFG ukuninnga oqaaseqaatissaqarpoq.

Kitaata avataani qaleralinniarneq:

2025-mi pisarineqarsinnaasunut tamarmiusunut tunngatillugu Kalaallit Nunaata Kitaani avataasiarluni qaleralinniarnermut aalajangersimasumik siunnersuuteqannginnera SFG-mit maluginiarnearpoq. Canada peqatigalugu aalisagaqatigiit 50/50-mik avinneqarput, aamma taakku illuatungeriit 2025-mut pisarineqarsinnaasunik tamarmiusunik aalajangersaanissamut tunngatillugu ataqaatigiissaarinissartik amigaatigaat.

MSC-tut akuersissuteqarnerup ilungersunartumik inissinnginnissaa anguniarlugu NAFO-mit ilisimatusarneq tunngavigalugu siunnersuutigineqartunut naapertuuttumik Kalaallit Nunaat Canadalu ataatsimut isigalugu 2025-mut pisarineqarsinnaasunik tamarmiusunik aalajangersaanissaat SFG-mit inassutigineqarpoq. Tassa katillugit 29.970 tonsinik. Tassa imaappoq 2025-mi Kitaani avataasiarluni qaleralinniarnermut **14.985 tonsinik** Naalakkersuisoqarfimmiit pisassiissutinik aalajangersaasoqartariaqarpoq.

2023-mi 2024-milu kalaallit Canadamiullu 33.005 tonsinik pisassiissutinik ataatsimut aalajangersaasimapput (tamarmik immikkut 16.502,5 t.) NAFO-mit ilisimatusarneq tunngavigalugu siunnersuutigineqartut 29.640 tonsiusunit 11%-inik annertunerupput (3.365 tonsinik annertunerupput).

- 2023-24-mut siunnersuineranut atatillugu nalornissuteqarnermut tunngatillugu MSC-mit illersorneqarsinnaasimapput. Kitaani avataani qaleralinniarnermi kilisaammi misissuineranut atatillugu piffissami nutaami paasissutissanik nutaanik pissarsinissaq anguniarlugu Pinngortitaleriffiup ilisimatusarnermut umiarsuaata aallartilernera nalornissuteqarnermut pissutaasimavoq. 2025-26-mut NAFO-p siunnersuutaani misissuinerit pingasut (2022, 2023 aamma 2024) tunngavigineqarput, taamaalillunilu siusinnerusumut sanilliullugu

nalornissuteqartoqannginneruvoq. Taamaalilluni NAFO-p ilisimatusarneq tunngavigalugu siunnersuina malinneqanngippat piffissami nutaami paasissutissat pissarsiarineqarsimasut aamma nalorninartortallit MSC-mut tunngavilersuutiginnissaat ajornartorujussuussaaq. Taamaalilluni avataasiorluni qaleralinniarnermut aqutsinissamut pilersaarut malinneqarsimannnginnersoq MSC-assessment teamimit inerniliisoqarsinnaassaaq, aamma aalisarnissamut periusissiamut aamma aqutsinissamut malittarisassanut tunngatillugu nalilersueqqinnissaq pisariaqarnersoq taakkunannga inerniliisoqarsinnaassaaq. MSC-mut akuersissutit akuersissutinut allanut naleqqussarneqarsimapput (Canadamut Tysklandimullu) aama nalilersuisarnermi suleqatigiit pingasut suleqatiginerisigut nalilersueqqittoqartarpoq. Akuersissutip qaangiutinnginnerani (lowest score apply) aalisarnermut tunngatillugu misissuinermi ataatsimi arlalinniluunniit 80 pointit naammassineqarsimannngitsut nalilersuinermi suleqatigiit pingasut ilaat isumaqarpata naammassineqartussanik piumasqaateqarumaarpoq.

2023-mut pisarineqarsinnaasuni pisarineqarsinnaasunik tamarmiusunik nalunaaruteqarnermut atatillugu Naalakkersuisoqarfiup tungaanit siunertarineqarsimavoq 2024-mut pisassiissutinik aalajangersaanermi pisarineqarsinnaasut tamarmiusut 2023-mut pisarineqarsinnaasunut sanilliullugu ikinnerussasut. NAFO-p siunnersuina naapertorlugu 2024-mi malinneqalissaaq. Taamatulli pisoqanngilaq, tassami 2023-mi pisarineqarsinnaasut tamarmiusut attatiinnarneqarmata. MSC-mik nakkutilliineq kingulleq 2023-mi oktobarip aallartinnerani ingerlanneqarpoq. Tassa imaappoq 2024-mut pisarineqarsinnaasunik tamarmiusunik aalajangersaaneg sioqqullugu. Taamaalilluni misissuineq sioqqullugu Naalakkersuisut aalajangissappata 2024-mi novembarimi MSC-mut atatillugu nakkutilliinissamut atatillugu 2024-mut aamma 2025-mut aatsaat nassuiaasoqarumaarpoq.

Naggataatigut kalaallit angallataasa eqaannerusumik Kitaani avataasiorluni qaleralinniarsinnaanissaat SFG-mit kajumissaarutigineqarpoq. Avannaata kitaani kujataatalu kitaani ullumikkut aalisarnissamut pisassiissutinut immikkut akuersissutinik tunniussisoqartarpoq. Kalaallit angallataat sumiiffinni marlunni atorneqarsinnaasunik ataatsimut pisassiissutinik pissarsisinnaasariaqarput. Avannaata Kujataalu (Avannaata Imaa aamma Ikersuaq Davis) immikkoortikkunnaarlugit ilisimatusarneq tunngavigalugu siunnersuisoqassaaq, aamma sumiiffimmi aalisarluarfiusinnaasumi angisuunillu aalisagaqarfimmi kilisaatit aalisarnissaannut annerusumik periarfissinneqassapput.

Tusarniaanermi eqqaaneqartunut aalisagaqatigiinnut allanut pisarineqarsinnaasutut siunnersuutigineqartunut SFG oqaaseqaatissaqanngilaq.

Inussiarnersumik Inuullaqqusillunga,

Sustainable Fisheries Greenland